

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Partitë në Kosovë ende pa marrëveshje për presidentin e ri, ndërsa afati po shkon drejt fundit
ADRESA	https://www.gazetatema.net/rajoni/partite-ne-kosove-ende-pa-marreveshje-per-presidentin-e-ri-ndersa-afati-p-i588994
BURIMI	gazetatema.net
GJENDJA	online

KOHÀ


KAPUR NGA NE	28 shtator 2026, 15:39:22 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	28 shtator 2026, 16:20:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	0ebc0b40e3e39aa2d9b0a778f6b5274dcc9c6dd6733b36a8dbf4869863196bff
TEKSTI	4fb2b82c55f6e920827000555a76997342ed172fc2be8f9996d9f52197b01b40
PAMJA	634a1fa8a48e824e06a11df49a963f5ac1bfba014b48826272b50af4f44e87d1

ZINXHIRI I PROVËS

KJO HYRJE	2e0c2dad159932f55e1afc4edf89ba1f8cecaae181a19fa66eae0c569de5ea3
E MËPARSHMJA	—
RRËNJA MERKLE	2a9c3c61cd0a94fc8d628189ad3d77be9fe8dbec0733dde85be2277fcec101e
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/2e0c2dad159932f55e1afc4edf89ba1f8cecaae181a19fa66eae0c569de5ea3>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [Politika](#)
- [Sociale](#)
- [Kronika](#)
- [Ekonomia](#)
- [Editorial](#)
- [Antena](#)
- [Blog](#)
- [Rajoni](#)
- [Bota](#)
- [Kulturë](#)
- [Sport](#)
- [Lifestyle](#)
- [Hosteni](#)

 English

Built and Monetized by 

 English

IE Erion Braçe shkon te vizitohet ne QSUT dhe betasohet nga ministrja e re: Me pelqejne vendimet e sajA e ekspozoi SPAK se tepermi SHISH-in?Balla takon Raporterin e PE fundit

Partitë në Kosovë ende pa marrëveshje për presidentin e ri, ndërsa afati po shkon drejt fundit



28 Shtator 2026, 18:20Rajoni TEMA



Partitë parlamentare ende nuk janë përcaktuar për një emër të cilin do ta mbështesnin për president të ardhshëm të Kosovës, pavarësisht se një afat kushtetues për zgjedhjen e presidentin mbaron kah fundi i javës së ardhshme.

Në një aktgjykim të 23 shtatorit, Gjykata Kushtetuese e Kosovës sqaroi se afati 60-ditor për zgjedhjen e presidentit ka nisur më 8 gusht, nga dita kur u konstituua Kuvendi, dhe përfundon më 6 tetor.

Për këtë çështje kryetari i Partisë Demokratike e Kosovës (PDK), Bedri Hamza bisedoi të dielën me kryeministrin e Kosovës, Albin Kurtin.

Hamza u tha të hënën gazetarëve se në atë takim ku u shtjelluan edhe tema tjera të situatës politike, biseduan për çështjen e presidentit pa folur rreth emrave konkretë për këtë pozitë.

Ai tha se partia e tij është e gatshme të diskutojë më tutje çështjen e presidentit me Lëvizjen Vetëvendosje, nëse miratohet projektligji për ndryshimin dhe plotësimin e ligjit për Dhomat e Specializuara të Kosovës në Hagë.

"Nuk kemi shkuar për emrat, nuk i kemi folur, nëse kalohet ligji jemi të hapur edhe për tema tjera", tha ai.

Për momentin ky projektligj është në Qeveri, tek e cila është dërguar për një mendim më 25 shtator.

Që nga 4 prilli, Kosova është me ushtrues detyre të presidentit. Ky funksion, sipas Kushtetutës, nuk mund të ushtrohet më shumë se gjashtë muaj nga ushtruesi i detyrës.

Lidhja Demokratike e Kosovës (LDK) është shprehur e gatshme për të kontribuar në zgjidhjen e çështjes së presidentit.

Shefja e Grupit Parlamentar të LDK-së, Jehona Lushaku, tha se partia opozitare ka vullnet për t'i konkretizuar hapa që të zgjidhet secili problem në mënyrë që të funksionojnë të gjitha institucionet.

ne nuk jemi ne situatë që mund të themi që jemi pro ose kundër një kandidati. Por jemi të gatshëm që të kontribuojmë për zgjedhjen e presidentit , una ajo.

Pas bisedimeve mes LVV-së dhe LDK-së së Lumir Abdixhikut, palët arritën një marrëveshje në fund të gushtit për një president konsensual, dhe dy partitë propozuan Bekim Sejdiun.

Megjithatë, një ditë pas njoftimit për marrëveshjen u bë e ditur se gjashtë deputetë të LDK-së nuk e përkrahnin këtë kandidaturë – duke bërë që, në praktikë, Sejdiu të mos kishte 81 votat e nevojshme – dy të tretat e Kuvendit me 120 ulëse, që kërkohen për procesin e zgjedhjes së presidentit.

Si pasojë, më 14 shtator Sejdiu u tërhoq nga kandidatura për president për shkak të mbështetjes së pamjaftueshme për zgjedhjen e tij.

Aleanca, e cila përfaqësohet me shtatë deputetë në Kuvend, ka refuzuar të takohet me liderin e LVV-së, Albin Kurtin rreth çështjes së presidentit, teksa kishte paraqitur gjashtë kushte në këmbim të mbështetjes.

Deputeti i kësaj partie, Ramush Haradinaj tha se Kurti “është tallur” me liderët opozitarë në këto takime, pasi sipas tij qëllimi ka qenë shkuarja në zgjedhje.

“I ka ftuar në takime i ka tallur dhe në fund i ka lënë pa marrëveshje”, është shprehur Haradinaj para mediave të hënën, duke shtuar se Aleanca “nuk bëhet pjesë e lojërave të Kurtit”.

Kosova rrezikon të shkojë drejt zgjedhjeve të reja – që do të ishin të katërtat që nga shkurti i vitit 2025 – nëse partitë nuk gjejnë ujdi që ta zgjedhin kreun e ri të shtetit para afatit të përcaktuar nga Gjykata Kushtetuese./REL/

Lini një Përgjigje

Koment *

Emër *

POSTOJE KOMENTIN

["Mund të rrëzojmë çdo qeveri që duam" - Opozita i kërkon Mitsotakisit sqarime për deklaratat e supozuara të ambasadores amerikane në Athinë](#)

14:36 Rajoni / 6 komente

[Asnjë votë kundër - Kuvendi i Kosovës, deklaratë për ish-krerët e UÇK: Kundërshtojmë aktgjykimin e padrejtë](#)

14:00 Rajoni / 3 komente

["Serbia, vend me të kaluar të dhunshme!" CNN "mbërthen" Vuçiç për Mlladiçin dhe luftërat para dorëheqjes](#)

12:40 Rajoni / 1 koment



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.